



ARUBA ANSE COURANT



Diario



pa Aruba



The Beer That
Made Milwaukee Famous

ANJA 21

DIASABRA 4 DI JUNI 1960

Nr. 3751

Grandioso recepcion na honor di delegacion Antillano

DEN HAAG, 3 juni — Ajera nochi tabatin un recepcion dje delegacion Antillano den hotel „De Witteburg” na Den Haag. E recepcion aki a marca fin dje bishita di e delegacion di Staten di Antillas y Surinam, na Hulanda. E bishita a dura 2 siman.

Tabata presente na e recepcion a demas di sr. J.A.O. Bikker, presidente di Staten di Antillas y sr. W.F.M. Lampe, ministro plenipotenciario di Antillas Hulandes na Hulanda, entre otro e presidente di Eerste y Tweede Kamer, e ministro presidente Hulandes, prof. De Quay y varios otro miembro di su gabinete; ex-prome ministro dr. Drees, Gobernador Speckenbrink di Antillas Hulandes, sr. Isa ministro antillano di husticia, hopi miembro di Kamer y hopi otro autoridad y personanan importante di comercio e industria. Prof. Van Lier y mr. dr. Da Costa Gomez tabata presente.

Un redactor di ANP a haci algun dje miembronan dje delegacionnan preguntanan tocante nan impresionnan. Sr. D.G. Croes a bisa cu e tabata sabi cu e situacion economico na Hulanda ta bon, pero loke el a mira a supasa su speranza. El a bisa cu lo ta util, si mas arubano por a hanja nan educacion practico den industria na hulandes.

Sr. J.A. Abraham a bisa cu lo e pasa 3 dia mas na Hulanda; el a establece contacto cu varios hende cu e intencion, di hala atencion di industria chikitu pa Bonaire. E ta pensa di un teneria y extension dje fabrica.

FATUM — Tel.: 1845
Pa tur bo aseguraron

PRINS BERNHARD SU
SALUD TA MEJORANDO

DEN HAAG, 3 juni. — E medida na di SAR Prins Bernhard a informa cu el a pasa un bon arochi ajera nochi. Su salud ta mehorando bon, aunke cu su temperatura no ta completamente normal ainda. Pa motibo di esaki e prins por ricibi solamente bishita di su famianan.

haci pa e bishitantenan y el a elogia e servicio perfecto di K.L.M.
Al fin tabatin un fiesta. E orquesta chikitu antillano cu a toca, tabata consisti dje homber di negoshi Juan Serrano, e analista Alwyn Poppenberg, e estudiantenan di conservatorio Julian Coco y Otmar Fraai y Orlando Goveia, kende ta studia pa tolt.

O. S. HENRIQUEZ ELIHI COMO DEPUTADO

ORANJESTAD — Cu diezun vatas na fabor senor O. S. Henriquez ayera tardi a worde elhi como diputado pa eilandsraad na lugar di senor F. J. Tromp, kende entrante 31 di mei o pidi su retiro. E resto di votonan di e 16 hendenan total o bai pa F. Kelly (tres) y blanca (dos).

Tambe raad a resolve pa duna B.C. e autorizacion pa cuminsa procedimentunan civil contra mal pagadoman di cuenanan pa reparacion di casnan di gobiernu, pa trahamentu di rieloring y contra hendenan cu no a de-

bolbe bukinan fia di e libreria, A.V.P. y P.D.C. a declara di ta contra e proposicionnan aki. E dos fraccionnan aki ta opina cu e sumanan tabata mucho chikitu y cu e gastunan di abogado por lo tanto lo sali mucho



E trafico den Nieuwstraat no por a continua normalmente ayera mainta.

Dos auto A-1336 (pick-up) mancha pa A.B. y A-7317 mancha pa O.J.H., a pcuru pa dal den otro net dlan di Uchee's Place. A-7317 a zorg pa e res-

to di autonan no por a pasa pa hasta rato y e pick-up na su turno a zorg pa e „peaton”nan na por a pasa ariba acera. E danjo material usina abou no tabata pas pa tanto behelt usina. Danjo y causa di e accidente mester worde stipula ainda pa V.A.

hallu. Ademas A.V.P. ta hanja cu ta mihor manda un mensahero di e libreria pa e casnan di e hendenan cu no a dcholve e bukinan. Ta posibel cu tin den nan cu muchanan por a pone nan mal camina cu e mayoman no por corda, senor C.A. Eman (A.V.P.) ta bisa.

„Nos no mester cuminsa molestia e hendenan cu procedimentu civil tabata palabranan di senor P. Croes (P.D.C.)

Awo B.C. ta bisa cu mester tuma

un medida pa mantene un limite. „Ademas bo no a comproba cu ta poberman cu no kier paga. Si en berdad nan no tin e placa, auto e debe ta worde anula”, senor Werner (U.N.A.) ta bisa, y diputado Petrona (P.P.A.) ta agrega: „Si bo ta contra procedimentu civil, anto na fabor di kiko bo ta?” B.C. a declara un biaha mas di ser tan suave posibel pero ta obligi di hiba cierto casonan dilanti hues. Cu diezun voto na fabor y cinco contra e proposicionnan aki a worde accepta.



Pa un bril cu to armoniza bo aparencia:

SPRITZER * FUHRMANN OPTICA

ORANJESTAD TEL. 1320
SAN NICOLAS TEL. 5015

APARATONAN MODERNO
PA SLIJP TUR GLAS

Politiek vuurwerk Den mocion pa desapropa lesamentu di carta pa Fichi Croes

ORANJESTAD — Un mocion presenta po senjares F. S. Kelly, J. Geerman y M. de Cuba como ultimo punta riba e agenda a ocasiona politiek vuurwerk ayera tardi. Den e mocion aki a worde menciona e caso afamada di lesamentu di un carta pa senor P. Croes y a worde propone na e consejo pa desapropa e acto camiti pa senor Croes y pa suplico na Staten pa haci revisionnan den e Codigo Penal di tal manera pa evita cu acto manera esun camiti pa senor Croes dio 4 di februari den futura lo keda sin castiga.

E mocion mes, cual nos ta publica completo den e edicion aki, ta papia pa su mes. Pero e bada bada a cuminsa cu e motibu di e mocion a procede. A.V.P. tabata desea di mira e mocion aki pasa pa departamentunan pa motibu cu e mocion aki a worde presenta na fin di e reunion y cu no tabatin ocasion pa studiele. E proposicion aki a worde rechaza, e mayoria kier a atende e mocion mes ora.

E kestion aki a haci senor Croes dirigi siguiente palabranan na e presi-

dent? Bo mester tene e martiu den Bo man”, cu cual e kier meen — asina nos ta supone — cu e no tabata desea di worde sorprendi cu un mocion asina. Por lo demas senor Croes ta opina cu e Consejo no ta gana mucho cu e mocion aki pa motibu cu e lo tranea den Staten. Miembronan di Staten mes lo mester propone algu asina. En principio e no tabatin ningun contrariedad cu e contenido. „Kelly a trahela bon, un hende a skirbiele pe. Como cu mi mes ta meti den e asunto aki mi no por vota, pero di otro manera lo mi a vota na

fabor di e mocion aki,” asina senor Croes ta bisa.

Senor C.A. Eman ta bisa cu ta dificil pa den un termino cortico asina pa duna su opinion tocante contenido di e mocion. Pero el a observa un mentira pertinente den e mocion aki, na unda e mocion ta bisa di ta ripiti palabranan di Corie, esta ora cu nan ta bisa cu e carta a ser traha falso, a lo menos a ser falsifica y cu e, Porfirio Croes, a haci su mes culpable di falsedad. E frase aki awor ta laga senor Eman observa, cu ningun dje hendenan cu a presenta e mocion ta na altura di e sentencia y si acaso nan a tende di e sentencia cu nan no a comprende. Ta para den e sentencia cu tabatin suficiente comprobacion. „No a worde disidi nunca si senor Croes a haci su mes culpable di falsedad”, asina orador ta bisa. E ta hanja cu ta un schandaal cu palabranan di Corie den un sententia ta worde cambia di e manera ei.” Y awor diezun leek ta bai pidi Staten pa haci revisionnan den Codigo Penal. Kelly ta kere cu e sa mas cu e iuristanan hulandes”, asina senor Eman ta bisa.

Senor O. Henriquez: „Ta manera cu senor Eman ta defende su mes ruman. Con e ta defende su mes ruman y handena su propio hendenan, lo ta na motibu di interes propio?” „No ta importante Henriquez un rayo kiko mi ta haci”, tabata contesta di senor Eman, kende ta continua bisando cu e inmunidad di un miembro di e consejo a worde accepta na interes general, y cu e mocion aki sigur lo tranea den Staten. Senor Henriquez no ta di acuerdo cu esaki Segun su punta di bista, ta asunto

FUTBOL

ARUBA VOETBAL BOND

ta presenta

AWENOCHI, 4 di juni pa 8.00 'or p.m.
den WILHELMINA STADION
ARUBA JRS vs. JONG HOLLAND
„COPA ANTILLANA”
PRIJS ESPECIAL: Tribune Fl. 2,— Staapplaats: Fl. 1,—

DIADOMINGO, 5 di juni pa 4.00 'or p.m.
den WILHELMINA STADION
TROPICALS.C. vs. ESTUDIANTES
(A-klasse)
ENTRADA: Fl. 0.50 Fl. 0.50

DIADOMINGO, 5 di juni pa 4.00 'or p.m.
den SPORT CENTRUM NOORD
RIVERPLATE vs. TRAPPERS
(A-klasse)
ENTRADA: Fl. 0.50

Basi Ruti

DIALUNA, 6 DI JUNI (DI 2 DIA DI PENTECOSTE)
BAILE DI BASI RUTI
4.00 — 8.00 'or p.m.
Musica: „SONORA DEL CARIBE”
Bar y cushina bon surti.

6.15 — 6.45 'or p.m.
SHOW SHOW SHOW SHOW SHOW
E celebre
IVY LEAGUE TRIO
Ganador di e concurso di NBC TV
E Trio di Georgetown University ta forma pa Bob Hider, Norie O'Neill y Bob Galloway, tur tres guitarrista.

CAMINDA BO TA SINTIBO MIHOR DURANTE DIANAN LIBER
TA NA BO CLUB!!

BASEBALL - BASEBALL - BASEBALL

CAMPEONATO DI „ORANJESTAD LITTLE LEAGUE BASEBALL”

Diadomingo, 5 di juni pa 10.00 'or a.m.
den WILHELMINA STADION

Aruba Bottling Co. — fabricadora di es refresco „Oso-Grape” es refresco di tur deportista ta anuncia:

Prome encuentro
WRIGLEY'S P.K. vs. VIANA

Segundo encuentro
U.S. KEDS vs. OSO-GRAPE

Bin weita muchanan di bo barrio den accion pa solamente Fl. 0.50 pa hende grandi y Fl. 0.25 pa mucha.

Tambe bo por gana un bunita premio cu bo tickete di entrada.

di principio y el a worde informa pa diferente iuristanan na Den Haag cu ciertamente por haci revisionnan den en Codigo Penal den e sentido cu e mocion aki ta referi.

Senor Kelly ta puntra si e otro fraccion ta na fabor pa permiti continuacion di falsificacionnan anto.

„Nan ta desea orde den consejo si of no?”, asina e ta puntra. Diputado Petrona ta observa cu den Staten semper lo tin mayoria pa elimina errornan for di mundo. Cada miembro cu bou di e capa di inmunida kier comete abuso lo ta na fabor. „Kende por ta contra un mocion manera esaki”, asina e ta puntra.

Senor Max Croes ta observa cu en principio e ta na fabor di e mocion pero si ta un afirmacion mentiroso den e mocion e no por haci otro manera cu vota contra e mocion.

Cu nuebe voto na fabor y cuater contra y un abstencionismo e mocion a worde accepta.

„Considerando, cu acusado ta afirma cu no ta existi suficiente indicacion cu el a comete un hecho castigable di locual e ta worde acusa;

Considerando, cu esaki mester worde rechaza, pa motibu cu den e rapport di onderinspecteur di polis Van Gaalen encarga cu e investigacion tecnico na Aruba, y di declaracion di acusado, cu a worde haci den preinvestigacion juridico, ta resulta suficiente indicacion cu segun decision juridico e carta menciona ta falso.

(E ta sigi riba pag. 2)



AIR CONDITIONERS

E ULTIMO MODELONAN A CABA DI JEGA

NEME IMPORT - EXPORT Co.

Nos ta tuma bo AIRCO bieuw!
Condicion di pago mosha favorable.





Aqui nos ta mira como 200 demonstrantenan den t robbel cu poliz como protesta contra un decision di House Committee riba actividadnan no-americano. Nan a yega asina leu te cu nan a cuminsa ta rebelia contra poliznan di San Francisco. E bringa mentunan aqui a dura 15 minuut na cual ocasion poliznan mester a haci uso di nan klop i ora cu esaki no tabata suficiente, mester a usa slangnan di paga candela pa plakia rabia dje demonstrante nan aqui. Denter di nan tabatin puhenan, estudian- tenan di colegio. Mas ariba nos ta mira otro demonstrantenan cu bordchinan inscribi: „Protega nos maestronan di intimidacion“. Mas abao nos ta mira otro demonstracionnan mas i aqui tambe poliz- nan a sabi di domina tur cos i evita lo peor.

POLITIEK VUURWERK.....

(Continuacion di pag. 1)

esta falsific. y cu acusado ta culpable di falsedad. Esaki tabata e frase den e sentencia di Corte. — Red.)

E. MOCION

„Eilandsraad di Territorio di Aruba, den su reunion publico di awe, dia 3 di juni di 1960;

Considerando cu e miembro di Eilandsraad di Territorio Insular di Aruba Porfirio Croes durante e reunion publico di e Consejo aki, teni dia 4 di februari ultimo, a lesa un carta cu el a traha falso, a lo menos falsifica door di dje, como si fuera cu e carta ey lo a ser skirbi pa un funcionario di gobierno, esta Sr. Juancho Yrausquin; i como si fuera cu un otro funcionario di gobierno, esta Sr. Ernesto Petrona, lo tabata al coriente di un acuerdo menciona den e carta referi;

Considerando cu e representante di pueblo Porfirio Croes a skirbi e carta cu el a traha falso, of cu a lo menos el a falsifica, den tal palabari i forma pa for di aje por saca prueba cu e funcionario ariba menciona lo a cometé actonan di corrupcion;

Considerando cu articulo no. 39 di Reglamento Insular di Antillas Hulandes ta stipula cu un miembro di Eilandsraad no por worde persigui hudicialmente na loke e bisa den un reunion publico di Eilandsraad;

Considerando sin embargo cu e stipulacion di e articulo ariba menciona ta contene un privilegio pa tur representante di pueblo, cu otro ciudadano nan no tini, pero cu e privilegio aki ta trece cuenele tambe e obligacion pa e representante di pueblo di usa e inmunidad parlamentario aki den sentido positivo i no haci abuso di djele, na perjuicio di e honor i bon nombre di otro hende;

Considerando ademá, cu den sentencia no. 16 di corte di Justicia di Antillas Antillas Hulandes a ser stipula cu e carta lesa pa e representante di pueblo Porfirio Croes den e reunion publico di e Consejo aki, teni dia 4 di februari di 1960, a ser traha falso, a lo menos a ser falsifica dor di dje, Porfirio Croes, i cu e, Porfirio Croes, a haci su mes culpable di falsedad;

Considerando tambe cu mester ser acepta cu e inmunidad permiti pa ley ta cubri unicamente e palabranan pa-pia den Eilandsraad i no actonan di falsificacion cometi fuera di e circulo di e funcion como miembro di Eilandsraad, cu e obhetivo di haci mal uso di djele den un reunion di e cobson;


Considerando cu e falsificacion cometi pa Porfirio Croes ta ser considera pa abogadoan experto si no como castigable si como digno di castigo;

HBU HBU

**Ook voor u:
de HBU**

HOLLANDSCHE BANK-UNIE N.V.

WILLEMSTAD - TELEFOON 11340
ORANJESTAD - TELEFOON 1200
SAN NICOLAS - TELEFOON 6490



„IVY LEAGUE TRIO“ DEN NOS CLUB Y TEATRONAN

ORANJESTAD. — Diahuebs main- ta a jega na Prinses Beatrix vliegveld e famoso „Ivy League Trio“. E trio aki ta forma pa tres joven estudiante na Colegionan di Estados Unidos y ya a cosecha ovacionnan tremendo di lanti di televisionnan mas grandi, na Merea. Nan a actua den e famoso Waldorf Astoria na New York, co- legionan na Merea y tambe durante e „Ivy Jazz Band Ball“ den hotel Astor.

E trio aki lo actua dia 4 di luna aki (awe nochi) den Esso Club diadomingo dia 5 na Cultureel centrum, dia 6 na Basiruti y tambe na Lago Heights Club mas laat den anochi.

Diahuebs dia 9 nan lo ta den Youth Canteen y e anochi siguiente nan lo toga na honor di e graduacion di Lago High School den Esso Club.

E trio aki te ainda ta sigi acepta mas contrat y nan ta pensa tambe na haci un trip pa Corsow.

E jovennan aki ta pensa tambe ariba un vacation na Aruba, ya cu di awor caba nan ta compara nos isla chikito como un paraiso pa esnan cu ta di vacacion.

EXAMENS ARUBAANSE MUZIEKSCHOOL

ORANJESTAD. — Awe mas o menos cuarenta discipulo di Muziekschool lo pasa examen pa e diploma A algeme- ne muzikale ontwikkeling, y ora cu des- pues di un siman nan pasa pa e parti mondeling tambe, anto nan a logra e prome diploma di un serie di tres, cu muziekschool, a proyecta pa su discipu- lonan den su plan di estudio.

E supermarket nobo di „La Esperanza“ na punto central di Oranjestad, ta cuminsa hanta su forma. Ya e tienda Petrona & Croes a hanta tur e „steelworks“ caba, y e 22 empleadonan a instala esakinan den curso di diamars y diarazon. E materialnan aki a worde entrega pa e firma Cosely Buildings Limited of England. E edificio su promer parti lo bin costa fl. 220.000,— y eski lo worde finaliza den curso di october. Foto: e edificio manera e ta actualmente dilan- ti di e mercado di fruta na Playa.

Examen na e muziekschool no ta novedad, pasobra seis anja pasa caba tin muchanan cu a hanta nan diploma. E diplomanan aki sin embargo tabata mas parti pa e parti practico cu pa e parti teoretico, es decir cu e tocamento di piano of violon di e discipulo tabata mas importante. E diploma A cu e muchanan por hanta awor ta un distincion di nan educacion tocante muziek en general.

Un discipulo cu ta tuma les riba un instrument, ta sinja solamente toca e instrument ei. Generalmente esaki ta pa motibu cu no tin tempo disponible durante lesnan privad. En cambio e cuarenta muchanan cu ta pasa nan examen awe, a sinja di muziek en general.

Nan ta sinja pa desarroja e ritmo. Pa medio di disonan nan ta tende musica di tur parti di mundo, nan ta conoce tur instrumento musical di henter mundo y a lesa di e conocido compositornan.

Nos ta spera cu den futuro mas mucha lo hanta oportunidad pa sigui e curso aki.

E POR HARI,



Pasobra E A DRUMI BON.

Graveyard no ta haci E nada, den dia e ta dru- mi mes bon cu anochi.

Ningun molestia di e mu- chanan cu ta grita...

Ningun molestia di e calor...

Ningun molestia di pafor...

Gracias na AIRCONDITIONING

E ta sabi, e la compra un AIRCO (ta costele algun cens mas pa dia) y ta sintiele BON dia y anochi.

*Haci mescos cunele
Cumpra un AIRCO tambe.*



Pero asina!



No asina'ki

Pidi informacion GRATIS na



TEL. 2170

SORRY REINIGINGSDIENST

ORANJESTAD. — Den nos edi- cion di diarazon nos a publica tocante e despedida di senior Antonio Ruiz for di Reinigingsdienst cu e senior aki a ricibi e conocido envelop cu con- tenido for di Bestuurscollege. Aki- nan nos a hecha e trahadornan di Reinigingsdienst di menos. E envelop a bini for di un colecta entre tur e trahadornan di San Nicolas. E des- pedida sentimental cu e trahadornan aki a demostra pa senior Ruiz, ta in- dica cu e envelop no por bini di ningun otro caminda sino ta di nan. Un biaha mas, sorry Reinigingsdienst.

VERWIJDER HET VET

Wanneer vet Uw figuur ontsiert of U kortademig maakt en Uw gezondheid in gevaar brengt zal het voor U gemakkelijker zijn een half pond per dag in gewicht te verminderen met de nieuwe Hollywood methode, genaamd Formode. Geen drastisch diët of oefeningen. Volkomen ongevaarlijk. Vraag Uw apotheker naar Formode en besta morgen met Uw vernagingskruis.

STUDENTEN

even naar huis?

Weer naar school?

Benut Uw vakantie ten volle.....

VLIEG!

3 keer per week naar Europa!


25% extra korting

op de normale tarieven (in tourist class) naar en van alle plaatsen in Europa.

Naar en van Amsterdam A fl. 1100,— retour (tourist class)



Dennis, de schrik van de buurt!



„O! Hij zei: „Donder op!“

„O! Ei a bisa: „Bai aqui for!“

POPULAR CONCERT
at
POPULAR PRICES
bring the whole family!

ARUBA ART CIRCLE PRESENTS
"THE IVY LEAGUE TRIO"
direct from their successful tour of American Universities!

Sunday June 5th, at 7.30 p.m. at the Cultural Center!

Members Fl. 1.—, non-members Fl. 2.—, Children Fl. 0.75

NO RESERVED SEATS!!


TIVOLI CLUB
DIADOMINGO ANOCHI (Pentecoste)
DI 9.30 or EN ADELANTE
BAILE
Musica: LOS PRINCPES

ONZE JAARLIJKE
UITVERKOOP
Begint dinsdag 7 juni!
Er zijn koopjes te halen!
ARUBA TRADING COMPANY
Oranjestad - San Nicolas

*cool idea... air
condition now!*

KLIM... The COMPLETE Milk

is the choice of wise mothers



KLIM is milk with all its nutritional elements intact. Only the water has been removed. So it's no wonder wise mothers insist on KLIM for their families. KLIM has all the nourishment nature puts into fresh milk to build strong, healthy youngsters. Mothers also know they can trust KLIM. It's specially sealed in the tin to keep it pure, safe and fresh-tasting.

KLIM... the complete milk
If It's Borden's — It's Got To Be Good

Agent for Aruba: **ODUBER AGENCIES**, Botica Oduber Building, Tel. 2699

UN BRUID COMO OFERTA

pa TUYUCHI

No. 32

E tabata gana y perde sumanan di mas fantasticoamente altu, te ora cu corantnan a cuminsa ta critica e hacinan aqui, de la manera cu indubablemente e asunto aqui mester a yega na oido di Corte y esaki a hanje obligacion na paga atencion na esaki.

Faro tabata un wegá prohibi. Pero e marquesa tabata hura y wegá aqui na tur momentonan cu presenta. El a cuminsa ta desconfiá cu debanan na Corte. Impaciente e tabata quere di por a apure di wegá di placa pa sala di trono. Practicamente e no tabata haci caso mes ora cu diplomadonan tabata mustré carino of tabata pronuncia posianan p'e. Como cu el a bira nervioso y impaciente, su brutalidad a causa mas escandalo trobe

na Corte y fuera di eei enemigonan tambe.

E corantnan mas bieu a papia cu la reina tocante comportacion y hacinan di e marquesa. La reina a manda jama e marquesa y bao di cuater wowo el a papia palabranan serio con'e.

Aunque cu palabranan parlamentaria, tabata sconde e amonestacion den un papel finí, sin embargo a lo largo e marquesa a bin comprende cu e reina a hacie un proposicion: sea cu e ta bandona wegá di placa of e tin di bandona corte. Esaki tabata e ultimatum cu e reina a dun'e marquesa.

Aqui e marquesa a hanje un scapatorio. Ta net loque e tabata desear asina tantu, di bandona tur e asunto nan parlamentaria aqui y sigui su mes

Aruba Jrs. y Jong Holland ta bolbe enfrenta otro awe nochi

(Di nos redactor deportivo)

ORANJESTAD. — Den Wilhelmijnstadion awe nochi lo topa otro pa di dos biaha den e Campeonato Antillano e onenan di Aruba Jrs. y di Jong Holland. Nan promer encuentro hunga na Corsow a resulta den un victoria pa e campeonnan di Corsow cu score di 5 pa 2. Despues di esey ambos a hunga un partido; Jong Holland a gana S.U.B.T. 3 pa 1, mientras cu Aruba Jrs. a empatá 2—2 contra di R.C.A.

Especialmente e empate di Los Azules contra di Los Tricolores a trece poca esperanza cu toch e muchanan di Sototoro por logra algo.

Y si awe nochi nan hunga cu e mes entusiasmo, y mes deseo di gana manera nan a haci diarazon anochi nos no ta duda cu e campeonnan di Corsow lo tin di haci hopi mas cu den nan promer encuentro pa bolbe sali victoriosos.

Aruba Jrs. mester realisa e gran importancia di su dos proximo encuentros. Na promer lugar pa hanja algo back di e nomber cu semper nan tabata tin di un onena fuerie y dificil pa gana ya na di dos lugar pa yuda e otro equipo di Aruba cu ainda tin un chens di obtene e promer titulo di Campeon di Antillas.

Si Jong Holland gana awe nochi, nan lo tin di hunga unicamente pa un empate contra di R.C.A. na Corsow diahuebs awor. Un victoria lo duna nan ocho punto y aceptando cu R.C.A. gana S.U.B.T. majan, R.C.A. lo tin e ora 6 punto y ta keda dos bao di Jong Holland. Den e caso aki R.C.A. cu un victoria den e partido final lo empatá den promer puesto cu Jong Holland. Lo ta un final espectacular.

Naturalmente hopi cuenta mester worde teni tambe cu e sub-campeonnan di Corsow. S.U.B.T. Esaki a empatá y perde un biaha cu Jong Holland y gana R.C.A. y Aruba Jrs. E

E „centrale post” di Roode Kruis na Eagle a demonstra un bez mas di tin su valor. Aki den nan ta deposita tur e cahanan di panja, cuminda y sapato, pa worde despacha awe mainta pa e victimanan di e desastre na Chili. Te cu ayera merda tabata no menos cu 70 cuba grandi di panja y cuminda cla cabá pa worde embarca. Foto: Rosa Kelly, Marie Celair, y Doreen Beeldsnijder, tres damas di Roode Kruis tabatin man jen ayera merda pa paketa tur e panja y sapatonan den e cuba adecuado. Panja pa humber den e cuba aki, panja pa muher den e cuba aya, enfin tin hopi trabou den e post aki.



pasó.

El a distancia di tur su puestonan, el a pidi su retiro como gran maestra y a bai sigui biba reserva na castillo Mandrake.

E noticia aqui a causa masha sensacion den su circulo. Pasobra ningun hende no por a quere cu e muhe asina por a yega tan leu di bira asina degenera.

E marquesa tabata crea e atmosfera na Mandrake y su exposé de bez en cuando, pasobra esaki tabata prefera di biba na unu cu su esposa no. Pero awor cu el a hacie e castillo aqui su residencia tabata ser presenta aya.

Mandrake tabata e centro di tur loque tabata brillante y risca y alma di tur esaki tabata serforma pa e hospitalaria. Y di manera aya e marquesa a bira reina di un corte manera tabata imposible pa un otro hende imagine y corantnan tabata skirbi relacionan fargo di e abundancia y su bilidad, fuera gozo casi celestial di luga Mandrake aqui. Pero no a dura masha cu e bin ser proba cu ta solamente pa esnan mas ricu e luga a-qui tabata destina.

drake pa extende e castillo historico y enriquece.

Y ora cu tur cos tabata cla na su deseo, e marquesa a abri portanan di Mandrake. Cada nochi tabatin banketnan, despues di cual e huespednan tabatin ocasion pa hunga placa. Y e ofertanan tabata mas altu cu den e club y salanan di wegá na Londen.

Un huesped na Mandrake por a hunga aya e wegá cu e tabata desea.

E sala y e cuartonan di gala tabata masha confortable y suficiente exotico pa hacie impresion riba e bishita di mas malaría y ningun hende por a desea mehor cuminda of bebida cu loque tabata ser presenta aya.

Mandrake tabata e centro di tur loque tabata brillante y risca y alma di tur esaki tabata serforma pa e hospitalaria. Y di manera aya e marquesa a bira reina di un corte manera tabata imposible pa un otro hende imagine y corantnan tabata skirbi relacionan fargo di e abundancia y su bilidad, fuera gozo casi celestial di luga Mandrake aqui. Pero no a dura masha cu e bin ser proba cu ta solamente pa esnan mas ricu e luga a-qui tabata destina.

chensnan di e pecho-geelhan di Quinchán ta hopi bon. Na dos ultimo encuentros lo ta contra di e equiponan di Aruba. Majan atardi contra di R.C.A. y diahuebs anochi contra di Aruba Jrs. E ultimo partido aki lo ta na Aruba.

E final y decisivo lo ta pues, naturalmente Aruba contra di Corsow. Di Aruba ta R.C.A. so tin chens di termina den promer puesto, pero Los Azules de Sototoro ta den un posicion den cual nan por haci hopi influencia riba e titulo di campeon.

Manera ya nos a comenta si nan ayudo R.C.A. so no por bira campeon. Aruba Jrs. ta realisa e importancia pa un equipo di Aruba termina como e promer campeon di Antillas y nos ta sigur cu nan lo haci tur nan esfuerzo pa logra dos victoria den nan ultimo rond wegá y hunga e segundo rond invicto.

STRAND HOTEL TA CUMINZA CU BAILE ATROBE

ORANJESTAD. — Parcialmente en conexion cu e observacionnan di e bende- na di ASTA, e directiva nobo (senjores Fred Wong y Sidney Mason) di Strand Hotel a resolve pa cuminsa trobe cu organizacion di baile den e hotel.

Pa cuminsa mayan anochi y despues tur diasabra anochi lo tin ocasion pa baile den Strand Hotel. Senjores Mason y Wong a organisa tur cos debidamente. No solamente nan a procura pa un bon orkestra (The Stardusters), pero tambe lo tin show. Te hasta nan ta planea pa tur siman presenta artistanan estranhero. Doorprize por lo demas lo aumenta e atractivo.

Hopi atencion ta worde dedica na e bishitantenan. Pa garantisa un bon servicio y pa procura cu e hendenan lo gosa na un manera bon e cantidad di personanan admiti lo ta limita. Ademá nan lo procura pa no tin grupo di „solitarionan” por ehemplo sinta na bar. E bishitantenan mester bini cu nan dama of damas of vice versa. Tampoco lo tin servicio na bar, solamente na mesa lo worde sirbi. (Cushina ta habri pa bocadillo). Por lo demas directiva lo pone tino riba e bishitamento y na e manera aki nan ta spera di por garantisa anochinan agradables.

CUMPLIANJOS

Ta celebra su promer aniversario Glenda Bernadette Tromp y ta ricibi felicitacion di su welo Martinus, wela Euphrasia, omonan Servino, Joannes, tantanan Ursula, Josepha, especialmente di su midrina Anna Maria Tromp, padrino Cecil Giel, tambe di su primanan y primonan.

Awe ta celebra su feliz cumpleaños y simpatica senjorita Cecilia Loopstok, y e ta ricibi felicitacion di su mama, tata, rumannan, tanta y omonan, wela y welonan, amiganan Maria Elisabeth Tromp y Francisca Tromp.

Ta cumpli anja e hobencita Catharina Kelly y ta ricibi felicitacion di su mama Regina, tata Julian, 6 rumannan Samuel, Louisa, Lydia, Aparicio, Cosma, Deta, tambe di Diana, Christians y demas familia Kelly y Christians.

E hoben Jacobo Geerman ta cumpli 17 anja y ta ricibi felicitacion di su tata Silvestre, mama Maria, 9 rumannan Angelina, Rita, Anna, Imelda, Theo, Tina, Julia, Vito y Robby, tambe di su amigonan di 10de klas di St. Augustinus College, muy especial di Hilario, Nady, y Bernard Hernandez y demas familia Geerman.

MAYAN BAILE DEN TIVOLI

ORANJESTAD. — Miembronan di Club Tivoli mayan anochi lo por goza atrobe den nan club. Directiva a organisa un baile cu lo ser ameniza cu musica di Los Principes.

Proposicion nobo Ruso di desarme

TOKIO, 3 juni. — En realidad e proposicionnan nobo ruso di desarme no ta ofrece nada nobo, asina e ministro hapones di asuntunan exterior, Fujiyama, a declara awe. E hecho, cu nan no ta contene nada nobo ta pone cu ta mas imposible ainda pa acepta nan, asina Fujiyama a bisa.

Krushev a manda mensahe pa Adenauer

BONN, 3 juni. — Prome ministro Krushchev a manda un mensahe personal pa canceller Adenauer di Alemania occidental, hunto cu e proposicionnan di desarme nobo di Rusia.

Commemoracion festivo cerca comunidad protestant na O'stad

ORANJESTAD. — Tabata un gran dia pa e comunidad Protestant, ora cu ariba e mainta di Pentecoste 1950 nan por a pone nan edificio nobo di kerki na uso. E kerki chikito bieu, cu te ainda ta existi y cu a worde construi na anja 18, for di hopi tempo no tabata adecuado mas pa e Comunidad ereciente.

E construcion di un kerki nobo, cu lo bin costa algun ton, tabata no obstante un problema pisa pa e fondo relativamente chikito di esnan cu a keda.

No ta facil mas, pa ecranproba euan-to esfuerzo y sacrificacion esencial a worde haci pa por a construi e edificio majestoso cu awor ta para ey.

Un gran parti di e trabauan a worde completá pa e miembronan mes y for di eunimzamento e edificio por a worde tuma den uso pa e Kerkeraad sin casi ningun clase di debe.

Esaki a socode den un servicio festivo door di Ds. Hogerwaard, e predicador, di e tempo ey, na unda e dominan di e comunidatnan hermana ariba e isla a mustra acto di presencia.

Majan, prome dia di Pentecoste 1960, e inauguracion di e kerki 10 anja pasa lo worde recorda cu masha fiesta. Na e ocasion aki nan lo usa, algun di e liturgianan cu nan a worde celebra dia di benedictionamento di e kerki. Extraordinariamente festivo e jubileo aki lo worde haci pa e hecho cu alavez algun hende lo haci pro-

fesio di e fé y nan lo worde confir-ma como miembronan di e Comuni-dad durante e servicio.

E servicio di conmemoracion aki lo ta tambe e comienzo di un aacion pa veri y laga haci reparacionnan necesario na e edificio y tambe pa plan-ta den cura di e kerki. Pa motibo cu e Comunidad mester a haci sacrificio nan grandi cuba en conexion cu construcion di un kerki na San Nicolas, e ultimo anjanan no por a worde haci pa mucho cos mantencion di e kerki na Oranjestad. Den e anja di jubileo aki e Kerkeraad, financia pa e miembronan di e Wijkgemeente, ta spera di laga drecha e edificio y e cura debidamente, asina cu e kerki por mustra completamente nobo, mesos cu na eunimzamento.

E gastonan di verifmento, reparacionnan y plantamento den cura ta worde calcula door di e Kerkeraad pa nuebe mil florin. E colecta den e servicio festivo di diadomingo awor (majan) lo ta e principio pa formacion di un fondo for di cual e trabauan di reparacion por worde financia.

E kerkeraad ta confia, cu e suma necesario lo tey den curso di e anja aki, mes bon cu e suma inmensamente mas grandi a worde alcanza diez anja pasa. Pues, te ainda ta valido pa e Comunidad di Cristo e palabranan for di psalms, cu cual e kerki a worde benediciona: Un dia den Bo-cas ta mihor cu mil otro parti.

ds. A.H.C. Jakobs

ARUBAANSE COURANT
diariamente cu excepcion di diadomingo

Edicja pa:
M.V. ARUBAANSE COURANT, EM.
N.V. ARUBAANSE COURANT, EM.
N.V. ARUBAANSE COURANT, EM.
N.V. ARUBAANSE COURANT, EM.

Subscription / 3— paga adelant
Edicja anua 20 ct

Teléfono:
1116 Directiva y anuncio
2134 Redaccion y suscripcion

Directeur-Redacteur: O. J. Stegheer
Imprenta: M.V. Druckerij „De Ster"

Agenda

CINE

DIADOMINGO
DE VEER 8.30 „Stage Struck” 14 j.
RIALTO 8.30 „Hell Canyon Outlaws” a.l.
PRINCIPAL 8.30 „El Judas” a.l.
AURORA 7.30 „I want to live” 13 j.
SAVANETA 7.30 „Watusi” a.l.
DIADOMINGO
DE VEER 8.30 „Stage Struck” 14 j.
matinee 8.00 „Waco” a.l.
RIALTO 8.30 „Hell Canyon Outlaws” a.l.
matinee 8.45 „Pawnee” a.l.
PRINCIPAL 8.30 „Lafayette Escadrille” 18 j.
matinee 8.00 „Commando Cody” a.l.
AURORA 8.00 „La mafia del Crimen” 18 j.
matinee 8.00 „Cuando Mexico canta” a.l.
SAVANETA 7.30 „A night to remember” a.l.
matinee 6.00 „Het duivelse lu de fles” a.l.

DIALUNA

DE VEER 8.30 „Stage Struck” 14 j.
extra matinee 6.00 „Duel at Apache Wells” a.l.
RIALTO 8.30 „The young don't cry” 19 j.
PRINCIPAL 8.30 „Lafayette Escadrille” 18 j.
extra matinee 6.00 „Vigilantes Hideout” a.l.
AURORA 7.30 „Revolt in the Big House” 18 j.
SAVANETA 7.30 „Stuz ilenei” a.l.
extra matinee 7.30 „Rustlers on Horseback” a.l.

WIT-GELE KRUIS

Zr. Ewald - Zr. Perpetua, tel. 2200

BOTICANAN DI WADA

San Nicolas: BOTICA CENTRAL, tel. 5008
Oranjestad: BOTICA DEL PUEBLO, tel. 1233

POSTSLUITINGEN

Zaterdag
Curacao 8.30 y 16.00, EUROPA 15.30,
Miami 10.00 y 15.30, New York 10.00 y
15.30, Suriname 15.30, Caracas 15.30,
Maracaibo 15.30.

CHURCH OF CHRIST

10.30 a.m. en 6.30 p.m. YMCA-gebouw San Nicolas.

ROOMS-KATHOLIEKE KERKDIENSTEN

Oranjestad: H. Fransiscus Kerk: H. Mis om 5 uur, 6.30, 7.30 kinderen, 8.30, 10.00 uur.
San Nicolas: H. Theresia Kerk: H. Mis 5.45, 6.30, 7.15 's morgens en 7.30 's avonds.
Santa Cruz: Kerk v.d. Onbevleete Ontvangenis: H. Mis om 5 uur, 6.30, 7.30 kinderen, 8.30 Hoogmis.
Savaneta: H. Hart Kerk: H. Mis om 5 uur, kwart over zeven kinderen, 9 uur Hoogmis.
Paradera St. Filomena Kerk: H. Mis om 5 uur, 8.30 Hoogmis.
7 uur kindermissie uitsluitend voor kinderen.
Noorde: St. Annakerk: H. Mis om 6 uur, 7 uur kindermissie, 8.30 v.m. en 6.30 n.m.
H. Mis.
Cura Cabal: Christus Koning Kerk: 8.30 Hoogmis, 7 uur n.m. H. Mis.

PROTESTANTSE KERKDIENSTEN

Oranjestad: 9.00 v.m. ds. Jacobs
Piedra Plat: 11.00 v.m. ds. Visser.
San Nicolas: 9.00 ds. Visser in de Kerk van de Broeder Gemeente.

For sale SPEEDBOAT

with outboard motor and a radio & pick-up

TORRICELLISTRAT 9

Phone: 1418 - during office hours
2090 - after office hours

Tur ora bo ta hanja verdura y fruta fresco na

KEES GROCERY N.V.
TEL. 1079-1918

Nos a cabá di ricibi:

EASY AUTOMATIC 1960

WASHERS

Fl. 580.— cash pariba

Aruba Trading Company

Demonstracion di 5000 estudiante Hapones

TOKIO, 3 juni. — (5.000 estudian-te hapones, cu ta tene demonstracion contra e pacto di paz entre Hapon y Merca, a rondona residencia oficial di prome ministro Kishi awe. Nan a trata di drenta e residencia aunk e tabatin hopi poliz presente. E estu-diantenan a tira e poliznan y e auto-nan di poliz cu piedra.

Un otro grupo di como 10.000 estu-diante a tene un demonstracion den vecindario dje edificio di Parlamento y nan a trata di drenta den dje tam-be.

E prome noticianan ta bisa cu 5 estu-diante y poliz a hanja heridanan grave.

(E ta sigui)

CISCO KID

1. „Mi tabata sospecha e hombernan ey... pesey mi a sigui esun cu bo ta jama Vando!... Ye otro dosnan? 2. „Nai tabata diverti den un choza. Ey cerca Pancho a queda. Ela pa sigui nan si nan bay... 3. „Y den e cubanjan... Eh, Lago! Tin un hende pafo. Ta parece cu e ta spiona nos!”



JUAN EL INTREPIDO

1. „Nos ta forastero... y nos quier sa di nos amigonan cu a perde”. „No puntra mi!” 2. „Ami no sa nada... mi no ta mira... ni bisa. Pa informacion bo mester bay na cas di nos promer anciano!” 3. „Juan... bo a nota loque mi a ripara?” „Si. Cequi. Esakinan ta e aldeanonan mas miedio di hende cu mi a jega di mira! Pero, en fin laga nos hishita e anciano ey!”



DICK TRACY

1. E radio ta repiti — Tene bo presonan riba terra seco pa preveni e vloedgolf. Nos lo busca boso — 2. Subi e avion. Nos ta bay! 3. „Laga nos matele aki mes!” 4. „Anto kende ta hay stuur e avion pa nos? Idiota! „Camna Hakir!”



RIP KIRBY

1. „Masha danki, Vison. Boso a scapa mi bida...”. „Pero mi a mata Cap. Doom... nunca mi a jega di haci tal cos!” „Bo a scoge un bon pa ciminza. sra. Vison.” 2. „Oh! Oh! Mi quier sa cu tin otro hende aki banda.” 3. E „Bucanero” di Stanton ta acercando e hoto... JUNCO.



EL PRECIO DEL TRIUNFO

1. „Ta duel mi cu bo a worde molestia senjor! Lo mi no a permitiele a bordo si bo no a aparece...” 2. „Ta hon, Baretto! Mi tin un poco lastima di e hoben ey... pero e la bisa un amenaza contra mi, y esey mi no ta perdona...” „Lo mi tuma medida, senjor?” 3. „No: no, Baretto! Lo mi goza mas si su ruina afecte mas directamente...” „Bisa Monica Durelle cu mi quier papia cuné. Lo mi pasa busqué manjan pa tres or.”



EL DIARIO DE UNA VIDA

1. „Sr. Ulbeck!” „Mi ta dando buelta, papa Jones. Di improviso, pa observa mehor.” 2. „Hopí biahá mi ta sorprendé un empleado — of empleada — cu ta lubida pa quen e ta traha — of te qui tempo lo e traha... 3. „ora cu algun prequicio personal stroha su trabau!”



PEPITA

1. „Bo debe 1 ct. di porto”. „Com ho ta atreve?” 2. „No grita mi... bo debe un cent na gobièrno y mi tiki pa cobra bo”. 3. „Gobièrno tin obligacion... 4. „Bo no por hunga cu gobièrno!”



Obheto di e 500 tankinan den Lago....

SAN NICOLAS. — Un vista musha comun na Lago of cualquier otro refinaria, ta e hopi tankinan cu tin rond di e plantanan di refinacion. Na Lago tin cientos y cientos di tanki di tur tamajo, forma y color. Nan ta extendi di un punto di e vasto sitio di refinacion pa e otro.

Y como nan por worde nula for di asina tanto punto na San Nicolas, hopi di boso indudablemente lo ta puntra pakiko mester di tanto diferente forma? Pakiko diferente color? Y pakiko diferente tamajo. E contesta ariba e preguntanan aki ta mes interesante cu nan ta importante pa operacion eficiente di refinaria di Lago, asina Sr. G.L. Mac Nutt, Mechanical superintendent di Lago a bisa.

Tur aspectonan relacion cu tanki tin obheto tal como e motibonan primario pa nan forma y color. Lago nos discuti nan forma promer, como e asunto aki ta esun cu ta atrae mayoria di e preguntanan.

Pakiko tankinan tin diferente forma? E contesta ta den e productonan cu nan ta contené. Tankinan ta planea specificamente pa e calidadnan quimico di e productonan cu nan ta traha pa contené. Una vez crudo worde refina, su productonan tin diferente composicion y pesey mester worde trata y deposita segun nan naturaleza. E diseño mas interesante y a la vez di mas simple ta e circulo perfecto di tanki completamente rondó. E tankinan aki ta perfectamente rondó, pasobra e diseño aki ta capaz pa wanta mayor presion.

Anto, ta evidente, cu e productonan aki ta esnan cu mester worde teni baw cu ta worde warda den e tankinan presion. Ehemplanan ta butane y propane. E productonan aki por worde teni solamente den forma liquido baw presion den e tankinan rondó. Si no pone presion ariba butane y propane mientras nan ta den tanki, nan ta evaporar mes ora.

Un otro tanki di diseño unico ta e spheroid of e tanki cu ta parece un ciboyo plat. Aki atrobe mester di e forma rondó na banda y na laria pa motibo di presion cu mester worde manteni ariba e productonan. Esakinan ta e tankinan cu ta contene gasoline cual, mescos cu butane y propane, ta evaporar si nan no ta teni baw presion. E productonan den e tankinan spheroid, sin embargo, no tin mester di asina tanto presion manera e productonan den e tankinan completamente rondó. Esey ta e motibo cu un sorto di tanki ta completamente rondó mientras e otro ta plat na vloer y cu bandanan e dak rondó. E tankinan rondó y esnan casi rondó ta perfectio den nan funcion pa motibo cu e presion cu tin mester pa warda productonan cu ta evaporar liber baw di dje ta worde reparti igualmente over di e completo canton di e tanki.

Di tres forma cu tin entre e tankinan di Lago ta esun mas ordinario, un tanki grandi rondó, pero plat abao y ariba. Esaki ta e tankinan den cual mayor parti di productonan di Lago ta bai warda, y tur e crudo cu ta bini pa worde refina. E tankinan di mas grandi den refinaria ta e tankinan pa warda combustible y nan ta carga 216.000 barril.

Nan ta 48 pia halto y 180 pia den diametro. Tin diez-un di nan aki na Lago. Mayoria di e tankinan grandi y plat aki ta contene 100.000 di 150.000 barril di azeta. E productonan den e tankinan aki tin mester di masha poco of nada presion mes.

E tankinan aki tin dos sorto di dak. Un sorto ta sólido y inmovible, e otro ta di estilo flotante. Un dak flotante ta haci mescos cu su nomber ta bisa — e ta flota ariba e producto y ta subi y baha pareuw cu nivel di e producto paden. Entre e sólido estructura di e dak y e cantonan di e tanki tin un seyo di rubber cu ta mantene contacto na tur momento. Daknan di e diseño aki ta prohibi espacio pa vapor acumula y asina ta preveni evaporacion.

E tankinan grandi plat ta worde construi na rinchi. Cada rinchi di plachi ta geweldo na e rinchi baw dje. Cada rinchi tin te 35 plachi, pisa di metal. Cada plachi ta for di seis te ocho pia hanchu y for di diez-seis te binti pia largo. For di seis te ocho rinchi ta forma altura di e tankinan aki, loke kier meen anto cu tin te 280 plachi rond di e tankinan mas grandi.

Un otro aspecto interesante di tankinan ta nan fundeshi. Tankinan ta

traha ariba un fundeshi di santo. E vloer di e tanki, cual ta di plachi di metal, ta worde poni geweldo na otro. Anto e promer rinchi di banda ta worde geweldo na e piso. Na ningun punto e tanki en efecto ta asegura na e fundeshi. Su tremendo peso solamente ta tenele na lugar. Esaki ta splica di con e tankinan mas chikito por worde lamta, of flota, of hiba for di un camina pa otro manera sa socede na Lago.

E tankinan di Lago ta geverf preto of blanco of color di aluminio. Pakiko algun ta geverf preto y otro blanco ta interesante y simple. Tur ta un asunto di calor, sea absorba of reflecta. Produccionan liher ta evaporar masha liher y calor ainda ta accelera e proceso.

E cos pa haci, anto, ta pa reflecta mas tanto di e calor di solo posible. Blanco o aluminio, tur dos ta intercambiable, ta haci net esey. Unda cu tin mester di calor pa yuda produccionan pisa manera crudo, combustible y azeta pa basha ariba camina, corre mas suave door di e tubonan, preto ta worde usa como e capa exterior pa absorba e rayonan di solo. E tankinan preto ta chemplo con por saca veridica di ayudo cu naturaleza ta brinda.

Lago tin mas di 500 tanki. Esun di mas chikito ta un tanki pareuw di binti-cinco barril. No obstante, e tankinan chikito tanto di esnan medianu y esnan grandi tur tin nan obheto den operacion eficiente y ordena di refinaria. Grandi of chikito, esakinan ta e tankinan cu ta warda e crudo cu Lago tin mester pa opera continuamente. Esakinan ta e tankinan cu ta contené productonan cla sperando yegada di bapornan.

Esakinan ta e tankinan cu ta dupla Lago e fantastico capacidad di warda mas di binti-un million barril cu ta tene plantanan ocupa di dia y anochi refinando crudo, cogiendo for di tanqueronan gigantesco y descargando nan productonan acaba den tanqueronan esperando.



Promer nos kier gradici editor pa e espacio chikito aki, asina cu nos por pone un mehor punto di vista riba e articulo cu a sali tocante e opinion di e miembronan di „ASTA”.

Segun e articulo ta menciona cu e prijs di Taxi ta haltísimo. Esei ta verdad ora compara U.S.A. cu Aruba, pasobra merca ta un terra grandi cu un populacion grandísimo. Y Merca no tin e cos cu ta jama cabez di boto (lift).

Hendenan na Merca si nan tin cu camna 4 blocki esta 1/2 milla nan ta tuma un taxi. Y pa motibo di un populacion asina grandi taxinan ta tur ora ocupa. Y ta pa e motibo tin un control cu taxi ta cobra \$0.25 pa e promer 1/4 milla y despues etc. etc.

Asina di mainta te anochi taxinan ta ocupa y por gana un suma di \$30.00 pa \$50... Y tambe nan tin un tarif pa viaha di larga distancia, manera di stad pa campo di aviacion si ta 9 milla anto e tarif ta \$6.00 etc. etc. y pa cada malleta \$0.25.

Pero aki na Aruba e populacion no ta asina grandi, ta \$6.000 hende tin, y no lubida cu tin mas cu 8500 auto. Esei kier meen un auto pa cada 6 persona, asina cu den cada familia tin un auto. Asina e punto cu nos kier pa pueblo comprender mihor ta e situacion di chaffeur di taxi.

Na San Nicolas tin 16 huurauto, cual ta para henter dia pa nada sin un cos pa hasi, pasobra aki na Aruba tin un

Petrona & Croes
Dakom - Tel. 1712-1639
PA BUNITA MOSAICO
Y AZULEHO

Foot Itch Healed In 3 Days

Do your feet itch, smart and burn so badly that they nearly drive you crazy? Does the skin crack, peel or bleed? The real cause of these skin troubles is a germ that has spread throughout the world, and it is called various names such as Athlete's Foot, Singapore Itch, Dhoby Itch. You can't get rid of the trouble until you remove the germ cause. A new discovery, called Nixoderm, stops the itching in 7 minutes, kills the germ in 24 hours and starts healing the skin soft, smooth and clear in 3 days. Nixoderm is so successful it is guaranteed to and the itch and heal the skin not only on the feet but the most stubborn cases of Eczema, Pimples, Acne, Boils, and Ringworm of face or body or money back on return of empty carton. Ask your chemist for Nixoderm today. The guarantee protects you.

costumber cu tur hende gusta duna otro un cabes di boto (lift) y auto di familia ta hasi biah particular, y hasia e turistanan cu ta biba den deferente bar, tambe tin amigo cu auto pa biba nan campo di aviacion.

Asina e unico lugar pa e 16 huurauto di San Nicolas hanja un trabou ta (GRACIA NA DIOS PA LA-GO) y esei tambe no ta jega pa tur e 16 autonan, aunque cu nos ta parti den 3 grupo di warda esta 8-4, 4-12 y 12-8, pasobra tin dia cu ta 3 auto solamente ta hanja biah pa e dia hibando capitan di vapor Ostad y bolbe pa fls. 9.50. Y ora Santa Paula y Santa Rosa bini nos ta hanja algo pa hasi cual ta un biah pa siman.

Asina cu nos loquedra ta masha chikito, y ta for di loque nos gana nos tin cu paga pa gasolina, azeta, reparacion, tire, y seguro di auto. Y awor cu seguro ta menciona larga nos duna un esplanacion: Si nos segura nos auto pa fl. 8.500,— nos tin cu paga fls. 590,— pa anja. Pero e anja aki seguro a subi mas halto asina enbez di baha mester paga fls. 661.00 pa anja. Y no lubida cu aunque e auto ta 4 anja bieuw toch mester paga mescos. Pero si ta total loss e ora ei si seguro ta BALOTA e auto pa un valor menos. Pakiko ripara solamente ariba taxi chaffeur?

No lubida cu ta for di nos entrad chikito cu nos tin cu mantene nos familia, es decir mester placa pa cuminda, pa awa, pa luz, pa gas, pa school y pa panja etc., etc. Y no lubida cu e costo di bida aki na Aruba ta di mas halto den mundo henter.

Asina ta con anto e prijs di H-auto por ta haltísimo? Pakiko anto ta sigi pone mas H-auto, mientras cu local nos ta gana actualmente no ta jega?

Pakiko autoridnan no ta trata di juda chaffeurnan di taxi? Pakiko autoridnan incluyendo COMERCIALENAN ta ripara taxi-chaffeur manera cu nan tin un entrad grandísimo?

Pakiko taxi-chaffeur mester paga BELASTING mientras nan mester compra e auto pa duna pueblo servicio? Pakiko taxi-chaffeurnan mester paga seguro di auto asina halto? Pakiko autoridnan no ta trata di kila 6 auto di huur na San Nicolas y larga solamente 10 asina cu nos ANTILLANO por cria nos familia mehor? Pakiko aki na Aruba ora cu un estranhero bini, enbez di duná taxi un chens pa gana algo, ta auto di familia y di COMERCIALENAN ta biba e hendenan y loke cu sobra ta pa taxi? Pakiko ora tur lugar duna 5% di aumento cada anja, y tur cos nan ta subi nan prijs ora nan kier, y taxi-chaffeur no por hanja un aumento enbez di bisa cu nos tarif ta haltísimo? Actualmente tin hopi cos cu tin cu worde regla pa HUUR-AUTO ta cuanto tiempo mas nos mester warda y tin cu sufrí?

Autoridnan no ta kere cu ta tempo pa cumisa cumpli cu e promesanan?

Huurauto-chaffeur San Nicolas, Aruba.

Y masha danki di antemano pa tur loque autoridat por hasi pa nos.

Ter voorkoming van rimpels in het voorhoofd Ter bestrijding van „kraaienpotjes” bij de ogen en van de „jaarringen” in Uw hals

DAT KAN PLACENTUBEX PLACENTUBEX doet rimpels verdwijnen. En: hoe minder rimpels, hoe jonger het gezicht. PLACENTUBEX is in staat om: jaren langer te maken — vaak vele jaren — reeds na enkele weken. Levensbevattende elementen van de natuur werken in PLACENTUBEX samen met de gespecialiseerde basis. 20 werken op drieërlei wijze: de huid wordt gespannen, haar vochtgehalte wordt geregeld, de zuurstofopname van de huidcellen wordt verhoogd. De huid wordt van binnenuit jong. JA, PLACENTUBEX werkt op een wijze, zoals ontelbare vrouwen dagelijks vinden: in de tijd wordt een hui toreroopen — men voelt de rimpels verdwijnen. Het is alst onzichtbare handen de huid liefdevol gladtrijken.

Placentubex

verjongt en spant de huid
MERZ & CO. Frankfurt/Main — Berlijn — Zürich.

Verkrijgbaar op Curacao in alle botica's, betere zaken en Supermarkts.
Op Aruba: Aruba Trading Co., Oranjestad, en in alle botica's.